

№ 22. Речь Иннокентия Монастырского перед царём Фёдором Алексеевичем

Л. 87

¹Видели государя очи архимандрит Инокентей да черной дьякон у нево, великого государя, в верху в передней, а речь великому государю говорил архимандрит такову¹.

Божиею милостию тебе, пресветлейшему государю, царю, превеличайшему князю Феодору Алексеевичю всеа Великия и Малыя, и Белья Росии самодержцу и иных многих государств и земель восточных и западных, и северных отчичю и дедичю, государю и обладателю, смиренный архиерей, имрек, во области, имрек, пребывающий со всею таможеню² многостроданною Церковью, мною, худейшим и недостойнейшим, убогое приносят моление. Молися древле пророк, царствующий Богу нашему, дабы дал некоему царю суд и правду, иже бы спас с ним убогих и избавил нища от силна и убога, ему ж несть помощника. Мню, яко сей молящийся царь-пророк не иного коего царя предувиде пророческим духом,³ токмо твое царское пресветлое величество, до коего мы, сыны убогих, сыны истинный кафтолические⁴ [Це]ркви-матере, со слезами прибегаем,⁵ смиренно просяще о⁶ спасении душ наших от твоего царского пресветлого величества. Ведомо твоему царскому пресветлому величеству, яко без веры невозможно кому спасену быти. Аще ж мы бодрым заступлением и мудрым промышлением сохранение веры нашей во предреченной области желаем, се спасение душ наших от твоего царского пресветлого величества желаем. Враг-дьявол иных врагов видимых, також, де, и папужников латинских, всегда вооружающи на церковь Восточную Христову. И ныне паче прежние вражды. Ты ж, де, сице вооружи, яко многочастным прилоги и различновидными пакостми насилие оное творят, хотяще ю ко своему единомыслию преклонити. Сие тяшкое насилие толико малодушных нас // **Л. 88** сотвори:⁷ яко всяко разумием, аще на нынешнем сейме, где нам велено быти с правами и привилеями нашими под утратою остатних волностей наших. Аще, глаголю, на нынешнем сейми царским сословием чрез послов своих не изходатоит нам⁷ твое царское пресветлое величество⁸ свобождение церквей наших от сего тяшкого насилия, отнюдь свободны быти не можем. Мы сами, аще и имихом прежде сего кий образ свобождения нашего от их насилия, ныне обнищяхом зело. Мы – немощни, они – силны. Они изобилуют во всякую вражду против нас,

¹⁻¹ Текст написан другим почерком.

² Так в рукописи: ударение падает на первый слог.

³ В рукописи стоит двоеточие.

⁴ Так в рукописи. Должно быть: «кафолические».

⁵ В рукописи стоит двоеточие.

⁶ В рукописи пропущен необходимый предлог «о».

⁷ Двоеточие стоит в рукописи.

⁸⁻⁷ Фраза написана между строк.

мы ж лишаемся всякого заступления, нищии и немощни[и]. То пребогатым и крепким щедротам твоего царского пресветлого величества прибегаем. Спаси сыны убогих, избави нищего от силна и убога, ему ж на небе, кроме Бога, а на земли по Бозе, кроме твоего царского пресветлого величества, несть иного помощника и заступника. Какое бы то было тяжкое насилие, которые бы нас в толикое ввводило⁹ малодушие:¹⁰ подробну пред великим престолом твоего царского пресветлого величества не ищитаю, мняще, яко некое от части въ епистолиях писанных извещена суть царскому твоему пресветлому величеству. Глаголю отчасти:¹¹ ибо великим бедам нашим единым пером перелетети zde невозможно, колми паче невозможно краткими словесы исчитати. Аще бы возможно бы множайшими словясы, но не мню быти лепо. Мнит бо ми ся, яко всякому иноку, аще на коемуждо месте, колми паче пред престолы царскими, в достойных вещех велеречиву быти несть достойно, да довлеет великому твоему царскому пресветлому величеству великим бедам нашим во кратких словесех // **Л. 89** известитися, смиренно молюся. Мощные ж царскому твоему пресветлому величеству, исполняюще убогое желание наше, многое творити, нежели мне, худому иноку, во желаемых много глаголати. Вемя яко время настоящие брани некие: и се малые труды творит твоему царскому пресветлому величеству, требующе от твоего царского пресветлого величества попечения о защищении своих домашних властных подданных, но целым сердцем веруем, яко многомогущи престол твоего царского пресветлого величества мощен есть и домашняя защитити и нас, странных к себе прибегающих, в желаемых сохранить.

Баснословная история римская памятствует некоего кумира Януса быти четвероочна, аки бы имел две очи на естественном месте, дви же позади главы своей. Баснословство сие взятея от его промышленности и празорливости, има же предидушая и грядущая, аки настоящею ими пред очима умными всяко угождению устрояючи.

Баснь сая истинствует в великой премудрости, в быстром помышлении и многоочитой прозорливости здешного престола предидуших великих царей московских и самого твоего царского пресветлого величества, ибо по благодати Божии вся устрояет мудрость. Сих богатых даров здешнему престолу, от Бога данных, явный есть образ, знамение царское – орел, главою и очима разделенны. Не о единой стране мыслящей и не во едину страну смотряющей, аки баснословной Янус. Тот же орел, главою розделенный, видитца быти двоеглавный, известно творяще всему миру: яко единой главе великого и православного царя московского вящая от Бога благодать, данная есть во царскому строении, нежели // **Л. 90** многим главам многих иных царей неправославных. Двоеглавы орел твоего царского пресветлого величества иматъ две криле: яже многоочитой прозорливости твоего царского пресветлого величества сообразуют страшную во вся страны

⁹ Буква «ер» исправлена из буквы «еры».

¹⁰ Двоеточие стоит в рукописи.

¹¹ Двоеточие стоит в рукописи.

крепость твоего царского пресветлого величества, словом, глаголю, сия вся образуют во строении велию мудрость. Видели многую крепость твоего царского пресветлого величества, ибо мощен есть твое царское пресветлое величество, единым крылом своя домашняя, другим – странных к себе прибегающих, аки орел птенцы своя от нахождения облаков враждебных покрити и заступити. Егда ж обрящем милость пред милостивым престолом твоего царского пресветлого величества, тогда собудется видимая Иоанном святым в Опаколепсим. Виде Иоанн святыи жену родящую, виде таможде и змия семиглавного, пристоящего жене со отрочатем, хотящего поглатити. Отроча взято бысть на небо, но жене даны быша две крыле орла великого, има же возлете в пустыню, идеже бысть препитана и тама пребысть невредима от угрызения змиинога. Жена, видиная Иоанном святым, толкуется Церковь Христова, яже некогда апостолом святым имянуется¹² обручница чистая Христова. Сию жену, Церковь Христову, глаголю, пристоящий змии лютейши нежели седмоглавний хочет ю поглотити. Змии сей есть враг Церкви Христовой: иже вражду и лютость свою вяще нежели на семь чинов законных всегда ратующесе со нами, разделивши, хочет Церковь Христову во чревеса своя единомыслия поглотити. Мы же, аще крепким предстательством твоего царского пресветлого величества целы и невредны свободимся от вражды врага Церкви Христовой, тогда даны нам будут две крыле орла великого¹³ [обо]роны крепкой твоего царского пресветлого величества¹³, има же возлете во пустыню, идеже есть мы // **Л. 91** препитани, сиреч пребудем во тоижде Церкви, идеже есмы святым крещением рождены, наукою евангелскую воспитани.

Многие иматъ титлы, твое царское пресветлое величество, по числу многих едва с кем сочтомых царств твоих: ибо еси царь велии по всей земли. Аще нам, смиренным, к себе прибывающим, не отречеши своя царские милости, еще единая титла причитается твоему царскому пресветлому величеству. Сия же¹⁴ не инноя¹⁴ титла¹⁵ есть, а токмо наречешися царь равноапостолный. Предидущие царие Константин святыи, великий блаженный праотец твоего царского пресветлого величества Владимир святыи, нареченны быша равноапостолнии царие, некоего ради иного дела, токмо яко попечение душ людских имеша. Егда ж отческим попечением твоего царского пресветлого величества сохраниши души наши во православной вере Христове: тогда¹⁶ о нас¹⁶ совершиши дело апостолское и наречешися царь равноапостолный, ибо попечение душ людских имети не иного коего дело¹⁷ чину есть, токмо апостолское.

¹² Слово вписано между строк вместо зачёркнутого слова «толкуется».

^{13.13} Фраза вписана между строк.

^{14.14} Слова написаны между строк вместо зачёркнутого слова «ныне».

¹⁵ В рукописи ошибочно: «тила».

^{16.16} Слова в рукописи зачёркнуты.

¹⁷ Слово вписано между строк.

Во всех моею худостию глаголенных да будет разсудително твоему царскому пресветлому величеству, яко сею милостию, ея же желаем о твоего царского пресветлого величества, уподобившись самому Христу. Двойкий род спасает благодатию своею Христос, спаситель наш, домашний род и странный. Домашний глаголется Израиль, странные ж разумеется язычески. Домашних спасает по некоему долгу, но странных спасает по милости. Сие Христос рече, егда отрече вдове хананеи исцеления дочери недужные и просяще¹⁸ несть:

Послан токмо ко овцам погибшим дому Израилева. Обаче рече, но до конца не отрече, понеже изцели дщер недужную оные хананеи, и сие изцеление не бысть по долгу, но по милости. Еже попечение имат твое царское пресветлое величество о домашних своих подданных, и сие по некоем долгу творит твое царское пресветлое величество, ибо должен есть пещися своими подданными кждо // **Л. 92** царь. Аще же нам, странным, царские своя не отречеши милости, сие не по долгу, но по милости сотвориши. Обаче аще и по долгу печешься своими подданными, приятно сие Богу есть. О нас же, странных, аще попечение будещи имети, чаю, яко еще приятнейшее Богу будет.

Ведомо твоему царскому пресветлому величеству, яко сия дела благая приятнейшие Богу бывают, яже бывают по милости, нежели сия, яже бывают по долгу, но всим образом уподобишася Христу, яко и домашние по долгу, и странные по милости спасаеши.

Коя же мзды надежда за сие дело благое, многачастная надежда за милость обрящет твое царское пресветлое величество у милостиваго Бога велию милость, ибо вся благая поспешит твоему царскому пресветлому величеству.


Кланяются поклоняемому престолу твоего царского пресветлого величества царие Фтарсисти, царие Аравитский, Сава и острова дары приносят. Надежда в Бозе, яко поклонятся тебе и вси царие земстии. И той безбожный сын Агари махометанские изжденетца из дому твоего царского пресветлого величества, ибо яко древле предстательством единачадные матери Сары праведные изгнася Измаил сын рабынин из дому Авраамля, да не будет сонаследник истинному сыну Авраамлю Исааку. Тако предстательством едиnorodного Сына Божия Пречистые Матере преблагословенные Девы Богородицы, и сей тоеяжде разбойнические породы Измаилские сын рабынин Махомет Чикморский изжденется из отчины твоей христианской со конечную своею пагубою. Потом же егда Царь царем приидет отбирати ответ о преставлении царей земных, егда приидет судити живих и мертвих, тогда аще иная коя милость на суде том по словесех царя мудрова похвалится: колми паче сия милость хвалитись будет, ея же просим от твоего царского пресветлого величества, ибо, хваляйся, речет твое царское пресветлое величество: се – аз, се – дети, яже // **Л. 93** ми дал есть Бог. Тогда Царь царем речет твоему царскому пресветлому величеству: пят

¹⁸ Слово вписано между строк.

толанть воверил тебе, ты же ми другая пят толанть преобрел еси; пят толанть воверих тебе более пятидесят земель, их же вручих тебе попечение, и сих не погубил еси; и другие пят толанть, их же не вручих тебе попечение, обаче милостию твоею сохраняюще их во вере православной, преобрел еси. Сия речет и сотворит тя еще вящца строителя и обладателя,¹⁹ ибо и нескончаемое царство сотворит¹⁹.

Токмо не отверъзи нас, странных, от лица царского твоего, избави нища от силна и убога, ему же несть помощника. Ощо еще имянем посылающих мене до твоего царского пресветлого величества архиереев и всей многострадалные тамошние церкви смиренно просяще до лица земли челом бью.

РГАДА. Ф. 52. Оп. 1. 1679 г. № 1. Л. 87–93 (без оборотов).



^{19.19} Фраза вписана между строк.